

## Vijesti iz šaha

*U organizaciji Šahovskog kluba «Goražde» sinoć je u prostorijama Centra za kulturu u Goraždu svečano zatvoren Deseti međunarodni šahovski turnir «Goražde 2017», a koji se održao u sklopu Programa obilježavanja Dana Grada i Bosansko-podrinjskog kantona Goražde.*

*Na ovom četverodnevnom takmičenju nastupila su 42 igrača među kojima jedan FIDE majstor, jedan međunarodni majstorski kandidat i čak 37 šahista sa rejtingom FIDE.*

*Takmičenje se igralo po švajcarskom sistemu u 7 kola. Najviše uspjeha imao je majstorski kandidat Muris Konjičanin iz Sarajeva kojemu je sa 6,5 osvojenih poena potpuno zaslužen pripalo prvo mjesto, prva nagrada od 500,00 KM i pehar u trajno vlasništvo. Drugo mjesto sa 6 poena pripalo je Miroslavu Mrševiću iz Priboja a treće mjesto Ivanu Sesaru iz Mostara sa 5 poena ...itd...*

*Najuspješniji juniori bili su Muharem Mahmutbegović sa 4 osvojena poena, Zvonimir Karlović i Dobrica Mlinarević sa po 3 poena.*

*Najuspješniji igrači rejtinga FIDE od 0 do 2000 bili su: Emir Popović sa 4,5 osvojena poena, Emir Kahvedžić i Husein Čolpa sa po 4 poena.*

*Najuspješniji članovi Šahovskog kluba „Goražde“ bili su Bajro Obuća sa 4,5 osvojena poena, Elvis Peštek sa 4 poena i Dževad Kajević sa 3,5 poena.*

*Organizator – Šahovski klub „Goražde“ je podijelio deset redovnih i devet specijalnih nagrada a ukupan nagradni fond iznosio je 3.300,00 KM. Glavni sponzor turnira bio je BH Telecom – Direkcija Goražde.*

*Sudijski dio posla vrlo uspješno obavili su Nijaz Obarčanin i Lazar Stavnjak.*

**Link turnira:**

<http://chess-results.com/tnr293820.aspx?lan=1&art=1&rd=7&turdet=YES&flag=30&wi=984>

**Šahovski klub „Goražde“**